

沅
湘
耆
舊
集

沅湘耆舊集卷第一百五十四

新化鄧顯鶴湘皋編輯

湘陰左宗植仲基校訂

周雲臺銑勳三十二首

銑勳字亞侯號雲臺寧鄉人嘉慶辛酉拔貢雲臺
久困場屋中年後始以禹碑詩受知督學使者得
選拔朝試報罷徧遊吳粵晚客梧州最久歸主玉
潭講席旋卒余初不知雲臺其客梧時余在桂林
未相聞也泊余官寧鄉雲臺主講玉潭余時有兼
權郡博之役未及見迨余來寧而雲臺已卒潘方
泉世珩者寧士之翹楚也曾受詩於雲臺持其遺

稿三巨冊來屬爲刪訂作序余諾之曾于役長沙
乃封緘私篋中逾月歸啟視則鼠穴其中乳子噉
殘已過半矣悔憾不已擬就其可辨識者另裒爲
一冊授梓卒卒未暇而方泉又作古矣慙負生死
甯有既耶今輯其詩入茲集非特慰雲臺亦以報
方泉於地下也雲臺詩綿密瓌博大都以藻麗勝
晚年有粵遊草係其手錄稿書法遒勁尤得山谷
遺意此冊獨完故所收較多他如還湘集中五言
神鴉追送客遠樹淨含江風迴帆腳轉舟重浪頭
輕邏兵鳴戍鼓津吏驗關籌眼界平分楚詩情半
入吳月斜高馬影風急失人聲塵飛黃積面霜重

白凝鬢道暗喧牛驛沙深陷馬鞍露車牛曳葦瓜
艇網支篙湖添新歲水人滯去年舟帆飽風欹艇
篷推月占窗風橫帆上下岸斷纜高低槳集舟爭
地榔鳴網合圍山勢迴荆楚江流接蜀岷鴉憑神
得食鷗逐浪求閒漢水連湖壯君山抱嶽迴七言
如赤壁云山月照人橫鐵槩秋風吹客唱銅琶雪
中望晴川樓云洲上骨寒鸚鵡冢漢皋珠冷佩環
仙宿江州云潯陽雁過楓初令廬岳峯寒雪未消
馬當道中云萼絲翦露和鹽鼓橘瓣凝霜入酒杯
登中江塔云孤城堞影高臨水斷岸蘆花冷帶秋
燕子磯云拂浪有聲江自翦凌空作意石驚飛渡

揚子江云寺裏金山凌北固城通鐵甕亘南州金
山寺云檻外江鳴天塹險樓頭雲接海門高焦山
云護寺蛟鼉眠白晝出峯鐘磬落青霄閭門云秋
水樓臺花滿寺春風輿馬路通橋慈壽塔云煙抹
潤城青未了潮平海寺白難分探春云花洞雲香
紅入座石航水蘸碧沉窗登瑤臺云野鷹翮健呼
風上塞雁身輕帶雪來酌人云斜月照寒城外寺
西風吹斷雁邊雲寄人云泥爪有痕隨雪盡蓬心
空老帶秋飛鱸香笠澤蓴新長酒熟金陵絮正飛
客中風雨淒魂夢愁裏須眉入老蒼春遊云臥波
日映金虹影碾道風馳玉虎聲和人落葉云故人

屢掃寒山徑。窮鳥難依暮雪村。蓬心展轉長安道。
鴉背翩翩落照山。早梅云香乍入簾。猜不定。影初
承。日寫難工。拌犯風霜標冷。豔纔同。天地入陽和。
此類數十聯。典雅渾健。耐人諷誦。至春曉送人云。
滿路畫描蛾子綠。一肩香賣鼠姑紅。蒲團蝶擁花
參佛。竹塹鶯邀茗醉人。無題云。犀角到尖看透。暈
麝臍新擘得生香。石中玉嫩初分璞。淵底珠團欲
結胎。渾金骨醉團臍蟹。冷玉脂凝細肋羊。有贈云。
熟到櫻桃嘗欲咽。嫩於芍藥貯初開。野寺云。紅芭
蕉藏白蝙蝠。碧光椰綴青葡萄。雖近纖膩亦楚楚。
有致。

曉雨舟過陽朔望兩岸山出沒雲中作示襄文弟

舟近陽朔境峯危森萬箇頻凭東西窗有如答拜賀未幾
夕陽微衆尖橫紫邏暝色亘江來欲辨眼無奈恰如食未
飽饒腸尙呼餓重訂詰朝見當不虞坎坷夜展韋廬詩靜
玩未遑和旋驚雨打篷伏枕右復左雞鳴聞放舟判屏寒
衾臥披衣續墜歡啟窗面山坐雨從峯半來舟向雪中過
水雨密相連舟天帖如磨灘石隱巉巖暗畏櫓牙剉霎然
失青白混茫出塵堦冉冉銀傾海纍纍絮盈馱高者翳然
卑小者鬱然大羣霧迷幢幅獅象導蓮座髻露忽驚藏鋒
銳倏疑挫頑鈍忽疑活骯髒忽然懦草樹涌青蒼幾箇如
刀莖洞闕啟忽閉左个移右个雲君乘雲翺龍鸞矜嫺嬌

驅雲載之行欲去復慵情綿綿波乍淩裊裊風吹破面目
吐羣峭一掃淨軒輊有如新沐妝顧盼嫵無那舉樽酌四
面斯真吾酒佐舟子飯妻兒赤足鮮裙襪笑客癡且狂濕
衣烘土銼豈知余此行雙眼慰輒輒對牀偕弱弟經書相
切磋咿咿小言歇洋洋大篇作無煩廣越吟亦不酬楚些
意得句乃奇境真語無參差爾造化心狡獪擅奇貨喜余
波斯賈入眼肆揚播揮灑任真機不容俗墨沈雖乏珠玉
言一隨風咳唾甕中餘宿醪豈待新蒸糯醉管揮雲煙觀
縷擬謠謠既可祛鄉愁亦足述勞瘁爾其相勉旃書此當
朝課

大雄寺南漢銅鐘歌有序

南漢王劉襲弟晟時內侍吳懷恩鑄鐘置蒼梧縣城東
威報寺後爲光孝寺改今名鐘重五百斤上鑄大漢乾
和十六年造聲清而遠揚歷宋元迄今近千歲矣爲作
短歌志之

夾馬營中香霧起天水碧落眞龍子白蜺竊據炎海雲珠
殿玉堂春旖旎風流天子小南強侍女金貂奉玉皇萬華
宮使專騎寵鑄金佞佛媚君王傳車執旌條千載紅羊小
劫滄桑改紫蛙分開電分光大漢乾和年尙在火山劍壑
土花綴伏波旂沉此江曲玉琯何處珠塵灰摩挲追蠡泐
如栗蝸寄蒼梧花屢鮮樓鐘叩月烹冰泉浮雲朝露夢中
夢山色江聲年復年

全州道中

千里輕遊興孤蓬窄未嫌入湘江水淨近粵石山尖灘陡
風偏逆春寒雨覺纖旅愁何處寄貰酒夜燈帘

遊湘山寺

郊圻楚粵分莫漫判榆枌界自開湘水山多帶嶽雲塔封
松影瘦磬歇鶴聲聞初地欣相許低徊近夕曛

盆蓮

盆蓮花倚葉次第放秋深質潔愜詩骨香幽通佛心曉風
微助態涼月瘦無陰卻笑圖澄咒空言傳到今

冰井

次山有遺愛到處久逾新只此一甌水常畱千載心沁心

涼覺淡卻暑午尤神腸胃如霜雪無妨炎海鄰

贈家檀興

邂逅蒼梧署論詩見性情老年同客遠千里越鄉輕燈院
宵分雨榕窗曉共驚風帆張醉後那用別愁生

準提閣

城東幽且僻避暑過蓮塘竹樹還山徑鐘魚靜佛堂談餘
花氣逼坐从鳥聲涼歸路橋邊別新蟬送夕陽

辛巳正月八日遊養性庵

登高新有興地僻若爲春竹老綠侵戶桃稀紅近人佛龕
憑石煎茶竈伴僧貧歸當沽美醞酬汝步逡巡

懷杜閣

詩集三唐史胸餘萬古愁安危歌哭在楚蜀歲時畱誰道
村夫子齊名太白樓至今浣花里清酒薦綢繆

北牖洞

一窪澄綠瀉潺湲曲磴高低護短垣喜共策筇來北牖看

題招隱識南軒

自注有敬夫題招隱二字

才非濟勝山應笑奇到難名

石欲言惟見湖西眾峯夕數家茆屋隔花源

疊綵山風洞

山麓金仙幾劫塵陰崖別自貯長春雲根曲曲詩題徧風
信番番日換新泉瀉花欄疑雨過峯圍塔穎與天鄰凭樓
無限登臨興極目湘灘愴客神

伏波山

將軍廟食粵江頭
磴道空懸百仞樓
垂足二分聊試膽
放懷千古獨生愁
瘴消銅柱驚鳬跼
譏構珍珠泣馬留
斗覺四山來暝色
風帆葉葉去汀洲

桂林諸山

灘江百里片帆輕
翠笋瑤簪左右迎
面面峯巒山作國
層層洞壑石穿城
九華湧地差爭長
萬笏淩雲此抗衡
自有天然風趣在
饒他畫手欠分明

醉中

不婚不宦屢評論
萬事憑誰立腳根
蝸角觸蠻爭左右
駒光燕鷁辨朝昏
讀書肯止過袁豹
折齒無聊同謝鯤
一生得意幾許濟
世務茫茫空蝨捫

至梧州

桂海遨遊未等閑，
擘帆三日到梧關。
漢儒子佚傳經地，
粵國王佗葬劍山。
五月荔枝香美滿，
千年榕樹綠彎環。
近來頗效娥隅咏，
乞鳥蠻花亦解顏。

和楊蘅皋咏垂絲海棠及桃花原韻

海上飛來見亦聊，
紫綿覆額睡初嬌。
待纈命婦三盆手，
擬束神仙一搦腰。
繫斷玉魚風暗曳，
繡殘錦幘露輕銷。
齊奴金屋終須貯，
莫憾無香似艾蕭。

沈醉東風曉不驚，
還從香國夢長生。
流蘇散結紅雲碎，
璫紛披絳雪盈。
入幔縷牽高鬢裏，
畱仙帶綰寸心傾。
杜陵不應無吟句，
燒燭疑聞續續聲。

遊海幢寺

山門茶市泊輕航
榕葉重重護法王
龍象三乘飛海國
幢幡七級幻天堂
稻風亭息伊尼冢
園有瘞鹿亭
蕉雨僧聞牡蠣房
欲學無生宜此地
遠公曾否許杯鐺

辛巳六十初度

不信流光候至今
半生身與俗浮沉
他鄉歲月過嫌促
暮齒兒孫憶轉深
每喜眠緣病損醉
非貪飲怯愁侵
萍蹤又向羊城泊
一曲歌悲越舄吟

菊花

鋤園種菊洽幽尋
數種齊開貰酒吟
得氣在秋嫌性傲
遇人以淡覺情深
每逢九月添佳色
除卻東籬幾素心
還愛

嶺梅同此骨雪霜風味後先禁

四月

清和四月天乍晴策杖山園幽興生鳥習聞聲飛更近花
疑識面笑相迎興亭春急筍交迸岸影搖人倒行曾憶
當時豪氣在奪催新令酒杯傾

春山

數間竹屋住溪邊古木蕭森繫釣船春漲平堤添澗水夕
陽壓屋接炊煙亂峯爭長雲推讓飛瀑奔流石挽牽招隱
何人爲地主杖頭應愧買山錢

楊妃井

西子浣遺石昭君生有村香泉紅淚在曾照馬嵬魂

綠珠井

金谷花已飛古翠綠餘井
寵重斛珠輕歸來窺鬢影

昭平道中

天外峯巒天半煙花間茅屋竹邊船
瀟瀟一夜東風雨開
偏懸崖紅杜鵑

石山分立土山連到眼奇峯盡上船
縱使關荆稱妙手也
應攔筆遜天然

下瀨船輕破石行長亭撇眼短亭迎
雲山處處皆堪賞爲
欠湘江澈底清

山城短短遶江坳城裏江頭山翠交
安得買田陽朔住碧
蓮峯頂結書巢

釣臺

隱時雖覺故人在夢裏安知天子尊直是釣臺伸足慣那知星動紫微垣

假借

梅枝豈有酸鹹味菊蕊初無淡泊心自是人心多假借卻教花草費沉吟

溫經

徧嘗不及書三味隨地堪符易一觴方信粥糝皆適口豈教淡泊易羶腥

羅教諭鳳五

八首

鳳五字默孖號篠樓衡山人嘉慶辛酉拔貢由

武英殿分校改就教職授湘鄉縣教諭有紅杏山房詩集篠樓爲升之先生登選之孫湘舟太史廷彥之子生長名家耳濡目染故其詩不事規仿自爾清迴詠史响屨二作尤微識力

滄浪亭懷古

迢迢大江水鬱鬱滄浪亭忠魂不可招申椒蘅芳馨芷不
察余誠衆口鑠黃金沅湘路多艱弭節復揚舫道逢漁父
來諷勸語丁甯幡然濯纓去莫憐醉獨醒吁嗟鼃鼃居飄
泊魚龍腥至今芳洲上鵝鵝不忍聽

擬古

人生無貴賤衣食固其端苦樂雖不齊疴癢總相關隆冬

衣狐白擁爐尙怯寒日食列入珍猶聞勸加餐嗟彼緼袍
子饑食纔一簞豈不羨溫飽解推良獨難晏嬰仁三族范
公置義田千載眷高誼俯仰用長歎

鳳皇產丹山盛世不常鳴鵠鶚伏深林人罕聞其聲如何
三尺童憎愛有同情路躋玷青史夷惠樹芳名譬彼薰與
蕕臭味永不并庶幾崇令德毋使歎浮生

過葉縣

赫赫沈諸梁匆匆定楚國戴胄復免胄民望如饑渴千秋
緬芳蹤古道畱斷碣乘雲豈有龍食邑猶存葉停車望方
城昏鴉噪林樾飛鳧更何人仙靈亦銷歇

詠史

漢家關寺亂天紀清議紛紛出閭里毀譽俱由月旦評搢紳但畏舌誅死汝南甘陵各訾訾俊厨顧及美名標太學諸生轉褒重彼何人兮稷與臯盛名之下願難副况有權奸列袞繡白晝豺虎方噬人轍覆樞翻誰補救未幾黨禍起凶徒輕者禁錮重者誅危言激論究何益轉令國步遭艱虞君不見牛李相讐唐室危黨分蜀洛宋祥衰白馬清流禍亟矣靖康紹聖良可悲又不見東林復社踵覆轍坐使明社崇朝隳緬惟昔賢厲風節全軀端賴明且哲殺身成仁事不易覆巢墮卵計何拙當時申郭亦名賢不爲已甚名獨全處士橫議聖所戒讀罷史傳長撫然

嶠嶼碑歌

堯時洪水患未沐下民昏墊帝所諏四岳薦舜舜使益帝
曰咨益惟汝謀益拜稽首退適野焚烈山澤窮數洲草木
焦卷失蒙蔽虎兕逃匿禽喁喁然後高下見道路禹乃得
乘四載遊北條之水河爲大堯青冀豫皆下游自決九河
注之海下者見土高者邱南條江水發岷山三峽奔吼千
鵠猊瞿塘灘瀕既疏鑿從此荆揚安衆流荆揚之江日東
注潛沱沔漢如渠溝告功於南功底定乃展旅祀登岫嶂
峒嶂之山禹所陟茫茫北顧臨神州明禋刻石紀功德字
畫蜺曲尾有抹天當南斗地南紀晉帖唐碑奚可侔有如
風雷撼天地雲中天矯蒼龍蚪又如老松臥峭壁一枝欲
下千鈞適吁嗟蒼頡不可作科斗之形空釋紉豈無岐陽

之石鼓史籀祇解傳姬周此碑文字自開闢巨石力挽須
千牛經霜受雪不剝蝕呵護疑有神鬼閭東樓杞子承似
祀金匱寶重同圖球柰何文獻微不足所以孔子懷殷憂
其後錄書不錄此或疑史氏逸不收又疑百篇收復逸伏
生口授忘採搜遂使遺謨旣殘缺世遠無人紀鴻猷天開
此碑終不毀字青石赤懸萬秋非籀非隸復非篆奴隸李
斯走鍾繇誰能見之讀且識後有譯者楊用修由商而周
至秦漢秘密不異索與邱神工鬼物跡不定出沒隱見人
難求昌黎索之不得觀晦翁往復窮探鉤有宋樵者偶於
見捫竊豈第登之果然後此碑獲再出購者直可千金售
我徒十年費夢想離合恍若尋羅浮乃以搨本挂素壁墨

香石色何蒼幽異用作歌誌神怪才薄愧無韓與歐

清涼寺

萬劫清涼寺滄桑閱幾更

原注寺創自唐朝

禪關臨古道紺宇通

孤城鶴散聞雲影松高帶雨聲纖塵應不到世外一牽情

示兒喬年

相依惟弟妹爾命太伶仃詞賦工無益文章信有靈憐余將髮白勉女及年青莫漫喚郎罷傳家祇一經

楊廬溪登訓十四首

登訓字鑒泉寧遠人嘉慶辛酉拔貢歷官麻陽教諭江西廬溪知縣有袖雲山房詩集鑒泉寓京久曾主講金臺書院倡建陳忠潔公祠於上湖南館

盤泉種樹作詩紀事宰瀘溪一歲除爲民害者四
人同里何文安公浚漢吳縣顧南雅學士薊俱亟
稱之

移居六首慰季弟綸如

先人故廬在與弟居處親嗟我兄弟初原爲一人身授室
各有家次第長子孫安居懷先澤堂構何由新作室有成
法若考常諄諄

伯兄婚嫁早新屋占其半遲我廿二年同屋仍各爨細彼
柔條繁蔓延資澆灌荆樹餘三株善保百尺幹此議亦其
持予季獨微歎

謂予遊成癖寒燈憶疇昔足跡半海寓十歲九爲客可憐

鳩營巢未省駒過隙今年游較近相去里尚百歲時見面
稀尺書亦何益風雨對牀眠此意自古惜移居仍客居易
不守故宅

我聞男子生弧矢射天地出門占有功同道卽同氣誰披
萬卷書不負四方志我學尙荒落閱歷豈云備要知行路
難乃識居可貴好風翩然來含情向棠棣

棣萼培植深枝柯總連理婦職先後參順逆自茲始憐余
兒女生匪惟母是恃鞠育如已出雙雙依令娣穉時牽
衣嬉戲隨伯氏聚處本團樂轉移仍尺咫豈知情所鍾戀
戀在如娣甘載甘苦同絮語各流涕我身慣別離忍見爾
如此

瓦屋十數間伯叔東西住老屋接新居周遭餘百步中參
邱嫂宅對宇連衢路垣墉自昔勤堅茨及今務相好無相
尤本爲居室賦惓懷手口釋勿虛歲月度架上陳圖書膝
前迫婚娶室家豈易成顯揚有餘慕人生隨遇安天地爲
我寓薄宦知何方廬舍重回顧歸來會有期夜雨聽如故

陳忠潔公墓

我昔瞻崧峯卓立如搢笏蒼翠凝孤村中有侍御宅侍御
幼岐嶷晚始登朝籍咄哉遇時變流氛犯金闕日月黯無
光朝野策誰畫公哭倚大椿一死勵臣節同時廿一姓
名耀方冊諸賢丹旆返故土葬忠骨公獨羈館舍遲遲就
窀穸城南石甌莊抔土三尺石我朝肅殊恩幽光庶

不發加謚慰章泉稱名及世歿年謚簡同青家書血化碧
匪特鄉里光贊荷綱常責神並河嶽尊地豈燕楚隔式廬
故國心展墓他鄉客酌醪薦芷蘭頻首長安陌安得崇享
祠巍我樹銘碣

別張少伯

宜尊

贊府并乞作龍眠山圖

君從龍眠山中來尺幅撥墨生青苔層巒疊嶂向空起寄
廬岸

伯自注少伯齋名

煙雲堆我亦胸中具邱壑湖山幾度花開

落迢尋舊雨路三千往事重談向如昨憶昔城南尺五齋

自注嘉慶丁卯借少伯讀書燕京永定門外張少伯指揮署

紫琅萬軸晨昏偕蓬瀛縹

渺不可望隨風飄泊天之涯自別燕臺歷齊魯征帆初挂

袁江浦大江南北鶯亂飛浙水東西花欲語三生石上往

復還六橋舊是勾留處君攜筆硯嶺南行萬卷填胸萬里
程六詔煙嵐生腕下囊中奇句皆崢嶸天邊忽注長名牘
大才偏教役半綰山莊追步古龍眠名山何幸斯人管古
稱米家書畫船米顛風趣逼張顛張家小顛更好事自注少伯
一號江山滿紙揮雲煙小顛非隱亦非吏遇事直行所無
事無端束帶向鄉里風塵到處供游戲忽從皖桐遷橐臯
巢人歡躍皖人號歌詩餞送真且華雲山回首俱魂銷我
似鳩拙來居巢相知連日傾醇醪文字因緣山水癖笑止
一見如同袍我今擬向縱陽去好峯如與故人晤知君紙
上芙蓉生引我龍眠最深處

題昌平楊復庵學博緒家藏潛籟軒詩卷即次曝書

亭集原韻 有引

何失字得之昌平人宋逸民也公卿交薦不仕揭曼碩
題其故居云心事巢由以上文章陶謝之閒康熙中復
庵之曾祖下人先生自牧爲婁縣丞從渤海高不騫槎
客採獲其遺詩二十首於朱竹垞潛采堂因乞雲閒沈
賁園書之冊珍藏之有詩見曝書亭集嘉慶初州人王
北堂徵君萱齡爲鋟板以傳因次原韻紀之

東都吟賞地風月戀山隈
爽籟何曾寂高軒幾度來
豁荒馴虎臥池暖白蓮開
自在州西有虎
豁東有蓮池百五年前蹟騷人去
不回

風雅永何負婁江水一隈
徑因迎客埽官似采詩來
渤海

蘭膏續雲開罍寶開至今光彩映如見浦珠回

寶氏莊何枉

自注景陵果園旁相傳為燕山寶氏莊

花香繞曲隈君從司鐸

返

自注復庵山亭古塔學正解組歸

我為看山來鄴架邁編富元亭夕照

開餘音未蕭索把卷幾低回

道光乙酉十一月十三日奉陳忠潔公神主入祠紀

事二首

椿樹飄零夕照殘

原注崇禎甲申三月公聞變入京自經於上湖南會館東廂椿樹下嘉慶癸亥

四月楊為大風所拔

荒園曾此殯

原注當年遷公於東園今就其地建祠

熙朝

久續褒忠錄

原注公歿後南都贈太僕寺卿

舊館初培展祭

壇月冷燕臺悲劍履鳳回前嶺拜衣冠

原注公故里在嶺峯嶺下春秋

百八英靈在史筆銜霜映日丹

原注何仙槎銀臺書神主

布帆無恙洞庭舟原注公少時過洞庭事見明史本傳生世誰憐荷國憂白

首功名堅晚節五年簪笏足千秋原注公由庚辰進士擢御史按山西至甲申殉

國立朝僅五年從容削牘鱗鴻達慷慨攀髯鹿馬遊原注烈皇帝葬昌平鹿馬

山松桷祇今崇祀典墓門添種幾株欄原注公墓在永定門外石榴莊現損

修治

胡選貢顯璋一首

顯璋字秉圭益陽人嘉慶辛酉拔貢少有志節著

有言行約編蓋亦尺寸自守之士也

割股篇有序

華容張君端崖富佐吾邑幕余聞其有割股醫親事已

得讀諸名人所表章詩心竊敬之或以格於例不得旌

表爲惜余曰嘻是豈有意求表揚哉至性所格自有不容滅者吾楚如蒲圻趙南仲江陵龐天祐荊州湯玉廉之刲股和藥以醫父施州陳鎮監利程鳳慈利杜古壽之刲股和粥以進母至吾邑人彭友元割肝救母其事更奇郭些公曾紀以詩詳見縣志其發於至性至誠雖千百年後聞者猶興起焉况端崖余幸及親見之耶作
刲股篇

垂水孝子人稱張芝顏偶接欽其光稟茲至性蓮幕勸我知造福真無疆孝本至庸理至常奇人行之奇不妨乃翁薪山病膏肓三載展轉支幄牀一朝咳血神迷慌奄奄綿綴幾危亡孝子無計心皇皇肝腸碎裂窮思量藥計無靈

鬼伯猖欲以血肉聊補償虔誠默禱格穹蒼揮刀刳股無
徬徨父兮可救他無望霜刃力削痛楚忘舉家駭汗憐其
創一鬻權爲肘後方和羹又懼父心傷託名桑寄生請嘗
龍鍾咽下口生香厥疾漸瘳身且康吁嗟平生還寄肉不
寄桑千秋萬世難爲此寄生湯

張選貢華琳一首

華琳字允選會同人嘉慶辛酉拔貢

登金龍山

龍山望不極我輩踏雲行勢俯千峯小煙看幾點明關河
黔益壯雲樹蜀吳爭試問登高客誰能一步平

吳選貢淳

四首

淳字子厚緩寧人嘉慶辛酉拔貢

水月庵夜坐

禪房景幽絕啟窗微涼生水面碧玻璃扁舟入望輕風露
浩無際遠山眉黛橫江空月影大俊鶻時一鳴坐久怯衣
薄樓鼓嚴三更神清不成寐高詠酬吾情

磨石山行

磨石之山峻以斗勢如偉人露肩肘盤盤細路萬摺疊順
旋逆旋帶合紐清晨就道鳥山籠行人接踵蟻緣白分明
尋丈卻隔里咫尺呼應仍落後週行半日尙此閒回視故
道出其右幾疑去路卽來區心訝迷途將退走孤蹤忍受
山靈欺勞人苦被風塵狂無多野屋露林梢幾點炊煙起

村口

謁趙李二公祠

祠建虎谿邊焚香緬昔賢心原同父母跡或類鷹鵠詩什
編湏爾攤糧議舍旃政憑拈一二應祝萬斯年

登雲霧山

尋春何惜馬蹏勞踏遍煙巒氣自豪載酒鶯能歌勒飲留
詩僧亦喜揮毫苔因石潤非關雨松不風鳴自作濤豹隱
龍從供一覽鐘聲隱隱出林皋

唐試縣琳二首

琳字岱生新化人嘉慶癸酉拔貢景山官學教習
試廣東豐順知縣岱生爲余從甥幼聰穎嘗從余

學作古近體詩俱有法度辛豐順二年卒年未五十
余哀之爲誌其墓

初至豐順作

海濱無樂土斯地更窮鄉雲黯猶猱穴風腥牡蠣牆俗真
慚佩犢歲屢賦牂羊厭聽稱豐順何途可救荒

逋賦聞山積澆風詎易更珠無還浦法水有不廉名薄俸
難將母蠹官敢得情催科兼撫字耿耿抱平生

王選貢虔二首

虔字經咳寧鄉人嘉慶癸酉拔貢有經咳文集經
咳爲九溪徵君之孫畱心經學性落拓不治生身
後詩文散佚殆盡陳堯農水部錄寄二首爲亟存

之

蚊

蠱茲陰險性誕敢作雷聲蠶尾鋒難避蠅頭翼更輕毒能
殘俠骨貧不顧餘生一陣秋風至汝曹何處鳴
爾飢來乞食既飽各紛然自幸今猶免烏知命已懸毛錐
真利器短夕是餘年揮筆頻驅逐飄零孰汝憐

李選貢家瑞

四首

家瑞字志完寧遠人道光乙酉拔貢有芸巢詩鈔

春雪有懷

新春一夜雪積素平檐端之子正高臥空山生暮寒梅花
幾枝發樽酒共誰看阻我剡溪興朱絃聊復彈

偶出

偶出碧溪口晚晴忽復陰斜陽在寒隴片雨入疏林天末
數聲雁人家何處碁清秋意無限閒倚樹根吟

宿遷道中

飛蓬旅跡遠何堪店月橋霜路飽諳夢裏關河紫薊北望
中風土別江南鍾吾國古居人散下相城低落日含野暈
幾家煙樹暗亂鴉棲處正停驂

清江浦

朔南疆土望悠悠清口波平勢復邁地控邳州連沛縣江
浮淮水匯洪防易潰關民命漕運長通賴聖謀無
限嗷嗷鴻雁澤數行衰柳夕陽秋

舒選貢作楫

五首

作楫字濟川武岡人嘉慶癸酉拔貢有聽松齋詩
草是集刻行後舒鸞橋學博始從武岡訪得其遺
稿爲採錄數首補刊於此

遊雙峯寺

結伴尋香界攜筇過石門沿溪山徑曲匝地樹陰繁逸老
歌猶在自注開山和尚號瑤山雲南雞足山殘碑字共捫
孤忠棲隱處往事復誰論

仙院自注相傳范蠡之女隱此仙去宋時有娘子祠

金簡繫而沈之不得其底龍起激中
方旱而雨云云見張元汴游仙院記

往事都陳跡空山今尙存成仙傳范女好道說岷藩欲冷

魚龍寂林深鳥雀喧前朝題咏在碑碣幾人捫

秋日登雲山

芒屨踏遍萬峯頭又作奇峯汗漫遊終古雲山誰寄跡此
閒憑眺最宜秋蒼苔露重丹爐冷野竹風多石徑幽我欲
扶筇最高頂白雲深處訪盧侯

題鄧司馬

文炳清搖靜聽圖

瘦筇影水綠參差日訊平安未覺癡宦海廿年風浪靜依
然清似在山時

湖上雜咏五首之一

幾閒茆舍傍江隄綠樹當門長未齊向晚漁翁懸破網夕
陽紅過小橋西

李州判恩戎五首

恩拔字硯莊邵陽人道光乙酉拔貢就職直隸州
州判有聽曉鐘齋集余與硯莊同郡未相識也歿
後其子仲芳奉其遺稿展轉郵寄求選入集爲錄
存近體五首

巖門

曉行石羊哨暮宿巖門煙人與灘爭水天畱罅過船牛羊
隱深谷草木賁危巔欲覓題詩處摩崖埽石箋

陳雨峯都督奉 旨祭告南嶽作紀勝編敬題其後
攜得籌邊筆眞成紀勝遊萬峯征旆路千里使臣舟徑僻
花常好湖寬月轉幽 君恩無促迫隨地許勾留

懸壁九千丈地靈神所依
爐煙紫使節嶽色染朝衣
磴溼嵐猶滴山深露未晞
披圖曾有記今更陟崔巍

登辰溪丹山洞

瓊瑤怪石幻虛空一徑交
穿屐劣通人立山顛瞻日
近天於古蹟避雷同本非
混沌何關鑿到此神奇乃
見工爲報柳州山水記茲
游幸未入文中

四月十六夜書懷

依舊當空皓月圓回頭默
憶此身前胸無芥蒂何嫌
直質本疏狂未是國海內
論交凡幾輩天涯作客又
三年不知已屆知非候尚
想摩空作賦年

沅湘耆舊集卷第一百五十四終

沅湘耆舊集卷第一百五十五

新化鄧顯鶴湘臯編輯

湘陰左宗植仲基校訂

王所叟人定

五十二首

人定字靜存號彥農又號楞關所叟寧鄉人國子
監生九溪先生之孫著有留餘草八卷所叟居石
楞關油草鋪荒邨老屋蓬戶席門嘯歌自得一門
子婦俱能詩紡磚織具旁皆吟筒也余來寧鄉猶
及見叟今從其子開琯索得留餘草寫本詞旨清
遠不媿門風

遠歸讀陸務觀幽居記今昔事有感於中輒用其韻

作十首

髫髻受經史兼課文字詩興致漸有適理道恆闕疑抱茲
出門限藉爲生之涯倏忽甲子周頽然血氣衰人情畏遲
暮世路多偏陂敢云仗忠信且復歸茅茨一觴還一咏聊
爾娛老時

揣摩枉簡練十上蘇秦書遇合固有天終當遂其初蕭蕭
五畝宅仄仄蝸牛居出入妨帽簷陰雨行趑趄幸有松竹
林映彼藻荇渠村僻喜近市得買時趁墟小圃徑久荒日
夕親荷鋤藉以供半飯庶幾慰胥疏

吾廬傍山足其後多喬松前山雲氣裏厥名爲烏峯朝夕
供眺望晴雨變形容高頭白鶴寺時發幽明鐘一聲破煩

牖五夜同歡悰野日閃鴉背池風吹萍蹤世人在下方惆
悵當晚春佇思赤霞表吾好誰能從

走者營窟穴飛者計栖宿他鄉多高樓故里有喬木羣羣
樹桑麻穰穰藝黍稷救息意守邱林埋頭此巖谷吁嗟利達
子一巧無過熟觸手皆亂絲在留少成竹何能抱布貿漫
謂市門粥惻惻不可言付與糟邱麴

生子非仲謀恐蹈譽兒號恆慮蛙坐井空思馬跨鼉不料
竿木場屢聞阿所好取泉貴汲深脂車期遠到自來殷深
源猶譏虛聲冒玉柄謝家塵蓮花張氏帽相效匪不佳轉
瞬卽昏眊含毫一撫然丁寧爲公告

阮氏有籍咸遂以稱竹林矧乃待相和老鶴鳴在陰少小

久失學安得履道深重虞閱世熟尤易喪本心文章小道
耳立語須斟酌況爲聖賢徒淵源猶易尋汝年亦已冠歲
月行駸駸余身日衰邁爲汝成長吟

昔人畜大志戮力在中原吾生竟虛擲投老此邱園誰列
高士傳敢繼騷人魂莫辨蕭與艾徒侈杜蘭蓀不見世胄
子爲庶爲清門朝夕且一卷啍唔秋樹根興酣狂態作發
爲小大言仰天更白眼澆塊一清樽

憶昔過雲夢發軔美且都共許印如斗昇我誠區區幾年
一柱觀從兄去西吳豈意流丸走環轉止甌夷遂使歷艱
險匹馬困長途隨身琴與劍交接沾與屠失意歸南山種
豆猶歌呼閉門視釜飢朝餐愁有無

三年西川道飽聽巴渝曲策馬向魚通所歷更殊俗羶裘
帶腥羶飲饌無米粟獮獮生促人責以牛羊贖我生在中
土保身類珠玉胡爲戀稻梁行李日骨碌况復峽中灘漩
湫愁跌足沈船旦暮開幸免登鬼錄

結念山中樂歸來對寒檠妻孥且團聚兒稚多讀聲曉起
埽庭戶出閩東鄰耕耕深禾稼盛屈指待西成興逸陟山
巔望望舒遙情有時鄰叟來商量及楸枰浮蛆可以煮伏
雌可以烹

新居秋日用老杜秦州雜詩原韻

衰年成小築壯歲每閒遊得遂吾廬愛堪消客路愁林園
舒化日天地及清秋美矣山中宅誰爲庾信留

蕭蕭環堵處喜得大山宮地僻心堪遠天高眼獨空坐沈
三徑月臥受一牀風底事君公住依人牆角東

卅年留別墅遙寄古長沙勝日多陳迹流風數故家草侵
簾押靜花壓帽簷斜無限逍遙事西歸向客誇

作室三閒好爲園百笏強菰愁供客少筍喜倍人長搏擊
看鷹隼奔馳笑鷗鷺秋風吹翠袖隨興託聊蒼

比隣秋作社薄醉暮言歸判袂辭東道扶筇上翠微濃煙
驚樹密月淡步星稀坐到庭空處天高與四圍

無貴更買山小住此中閒旁舍雲長護重門風自闌林深
秋共老烏倦暮同還爲念鑿坏者何須身姓顏

蓬門終日掃草路抱琴迴屬有停雲興誰因舊雨來詩看

松谷得尊傍菊籬開磊落倚長劍酣時歌莫哀

幾人能問字說草元亭涼月窺簾白寒檠向壁青詩書

原碌碌鬢髮早星星莫漫論經學殘碑立舊垆

自注經學之鄉四字

碑陳文恭公撫楚時爲先徵君立

無事藉僮僕隨身得趣繁荷鋤圖竹館輟棹記桃源花氣
通前路歌聲達遠村幾回行樂處日夕未關門

迢迢征路遠莽莽戰雲低幾度期黃石看人拜紫泥因循
青草北淹滯白鹽西白是昇平客虛懷到鼓鼙

匹馬回靈水單車過咄泉山川隨世改勲績至今傳飄泊
三湘水羈栖六詔邊劍門銘自古誰與勒燕然

歸信頻年寄湘西自有家蜀雲留玉壘江水別金沙折盡

三春柳浮殘九夏瓜片帆巫峽浪瞥眼亂生花

山居消 舜日井養戴 堯天提甕情偏急連筒法未傳

有懷尋馬跑無計劃龍泉出汲謀朝夕灌園何處邊

百年何歸鼎十畝自閒閒昨日已今日千山還萬山持竿

金馬

橋名

去沽酒石楞關名還霧隱全家在憑誰見豹斑

暫訪親情去留連十日歸楓林如有異蓬戶若生輝吹客

犬迎入將雛鶴向飛人生行樂耳七十古來稀

長貧從我好清興少人知飯或抄雲子歌常付雪兒來鴻

聲慘澹歸燕羽差池獨許此茅屋菟裘營一枝

中所晚步

迢遙過越雋板屋十餘閒土語一闌市夷歌兩岸山寒林

歸倦歸落日曛衰顏流轉風光裏春陽踏踏還

寄答張石蘭茂才

八十人猶在傳經生事微寄聲前月達見面老來稀匣劍
皆龍瘦牀書養蠹肥湘蓮塘上豔幾度憶荆扉

寄倬堂湘民兩兄

客路分千里家書足萬金暮雲惟有影秋雁不聞音湓水
過湖口廬山落縣陰迢迢一相望加飯弟兄心
宦況誠何似家園更不如倉空喧凍雀池涸泣枯魚火燬
同居室灰飛已讀書相思千里外噩夢是全虛

葺屋步工部新賃草屋元韻五首

出山久無意樂澗頗相期買屋自前日誅茅及此時妻孥

借隱逃風雨，悵栖遲。拌費重重，覆菟裘，且在茲。
安穩終吾老，交加賴此君。林園敦所好，麋鹿與爲羣。
積翠銷炎日，輕陰捲片雲。縮蝸真不出，威鳳許誰聞。
日臨長晝，白雲卷一天，青宋玉曾留宅，揚雄別有亭閣書。
開復掩把酒，醉還醒。穩坐看峯岫，風光滿畫屏。
昔年營小築，幾歲別長沙。人事還無定，吾生詎有涯。
墻垣粗繕置，水木亦清華。漫卷遺經喜，居然復我家。
林園慙處士，家世重宗郎。種竹能千箇，栽松約萬行。
兒孫應可託，貧病且無傷。風月憑窺牖，詩書任滿牀。

老去

老去常爲客，驚非少壯時。支貧憐婦病，失學恐兒癡。
松竹

歸山計夙塵閱世思回頭湖海氣把酒夜吟詩

蘆山縣

盤輦崎嶇路行行雲霧閒和夷依後戶黎雅扼靈關巖瀑晴飛雨溪流夜撼山縱橫無百里淳樸簿書閒

飛越嶺

選路度魚通之夕一線中雪明雲漏日冰厚嶺迴風怯鳥移林黑驚猿落果紅遲迴淩絕頂下界已烟濛

鑪城歸途

魚通回馬首終日傍溪行峻坂冰封就懸崖石削成磴危防雨過橋軟怯風生

自注沿路橋皆鐵索支柱

薄暮碣樓下愁人是水聲

臥雪

亦知論點畫終是拙言辭怯寫平原帖羞吟彭澤詩蛙藏
寒竈喜雀噪舊倉悲不有層雲誼誰憐臥雪時

邛州道中

臨邛大道去來忙風景依稀記故鄉秔稻高低飛燕雀村
莊層疊擁松篁雞鳴茅屋炊烟午牛飯槐棚口影涼最是
當門更相似翻翻菱茨滿迴塘

得家信承芝圃贈詩依韻奉答

傍晚新傳鯉一雙瀉江迢遞轉岷江身竊羈巴蜀黃牛峽夢
醒瀟湘綠綺窗縱喜平安到僕婢卻驚荒旱遍鄉邦不逢
同客憐同舍誰奏陽春白雪腔

冬夜伏枕卽事

日斜風勁掩齋扉病臥支離未解圍古寺僧寒鐘磬早荒
城歲暮雁鴻稀孤燈獨對重衾地十部何由一紙飛縱是
士衡能作賦幾時鄉國見光輝

懷歐堂雨夜起坐

卅年羞下董生帷近闢山椒日日窺少欲灌園憐仲子老
將爲圃學樊遲瓜藤逐露緣牆出莧葉翻風過隴披解識
栽培有天意三三徑裏亦生涯

正月五日起門神

洛濱游戲老神仙門戶勞君幾十年家本高明容鬼瞰庭
餘咫尺待車旋休嗔黃犬酬司竈未載青旌祝置傳只是
歲饑繇盜賊請封魚鑰藉威權

別千里兄歸

絲雨冥冥雪閒飛老兄相送倚柴扉疑將船向剡谿去直
欲輿從栗里歸肯惜泥塗惟遠道自來緇素任征衣非關
握手難爲別爲我馳驅見面稀

歸來獨酌

欲將懷抱爲誰開且對寒燈潑舊醅破雨扁舟何處去衝
風終日打頭來可真蕉鹿成吾夢未信弓蛇落此杯只是
鄱陽山水好昔遊無賴亦空回

漫興

老妻肺病喧終夜賤子心憂坐向晨布被曉將留一睡瘦
骨寒意遲諸親開襟對雪披單擎折角臨風岸小巾笑語

凌雲年少客，更誰強似白頭人。

題揭陽陳公子秋湖泛月圖

空闊洞庭閒扁舟，數往還何年不秋月。吟賞幾人閑
皓魄，升珠海清光貯一湖。波平秋自澈，幽抱在冰壺。
樓上仙翁笛，湖中帝子靈。不知明月下，峯色爲誰青。
桂影中流靜，迴船夜漏長。幅巾蘭槳外，疑是米襄陽。

周萍叟嘉細二首

嘉細字書城號柅褐晚號萍叟湘陰人貢生有集

三閭祠

荒祠寂寂拚崖扉，一望煙嵐擁翠微。夜雨蘆蕭悲野鬼，秋
風蘭芷弔湘妃。劇憐天遠終難問，終古魂招竟不歸。幾度

夕陽殘照後山前惟見鷓鴣飛

濯纓橋

小岸橫橋截汨羅濯纓人去水澄波淒迷河伯濤千尺顚
顚漁翁雨一蓑岌岌高冠紛若此霏霏姣服待如何隔江
柳外誰吹簫怕聽滄浪鼓棹歌

黃封君崇貫 三十六首

崇貫字步曾號樗林安化諸生以兄子德濂惺溪
貴 馳封檢討著有西澌齋詩稿四卷惺溪諸父
皆能詩一門兄弟自相師友先生詩筆清拔於坡
翁尤近余嘗從陶文毅公處見其七古一篇縱橫
跌宕以爲似全唐詩中任華寄李白杜甫詩文數

深然余言今集中諸體可覆按也

讀本草

淮慶有隱草其名爲地黃本根攢地底體肥直且長側出三四枝大小畧相當土人善培養戒勿鋤其旁旁枝日以長本根日以強根強枝自盛赤心與頡頏一枝遭長鑷靈根齊乖張或則如樹蠹或且爲蠹殭黃中成漆黑痂結多瘡瘡藥籠棄弗顧妙品終頽唐建文削諸藩畢竟非天亡

遊苧蘿山謁西施像用王右丞韻二首

培塿苧蘿山策杖草徑微如逢巫山女不數洛水妃塑像廟欹側浣紗字依稀夫差豈非雄身葬敎羅衣至今浣水側照影是耶非自非五湖長玉貌將安歸此人難再得此

像安可希

當時鬻薪女出身賤且微
倏爾館娃宮竟作吳王妃
幾顧城國傾一舸信音稀
坐令效顰者滅沒青苔衣
莫向效顰人刻畫是與非
爾曹髯如戟身朽名俱歸
此像猶可賭此女不可希

跋陶雲汀給諫湖皇華草後

后夔教典樂歌永本言志
尼山興觀旨只緣性情出
敦厚亦溫柔文章卽經濟
杜陵千古雄微獨一人
媚房閨兒女聞友朋及弟
妹在在悵惻忱絕世高風
誼我讀皇華草時我感且
喟方今際昌運聖人民瘼
切一朝使節持行問同都
吏秦關百二重蜀道千盤
翠喬木幾興亡浮雲遞

變易長篇暨短章筆端瀉清快芻蕘更有言知人哲惟
帝天門談蕩開神羊屹然跋抗顏動彈章指斥無權貴
津源絕人傍吐屬乃天界置身日月旁爭仰星雲次翰林
歐文忠政府韓太尉側聞視轉漕澤沛東南暨揚州二分
月評騰到花卉深情遙寄託毋乃特婉麗跋君詩一帙望
君養益遠夙以清華選習判分省事元素在紫垣已溥仁
人利叔翰批黃敕共推公輔器揉剛卻使適礪玉彌昭粹
允矣忠愛懷盎然中和氣業廣功日崇豈僅高名位用以
答宸衷匪獨勉流輩

寄族姪東亭敬修時令諸暨

吾家之豪軼輩行曾與先子共絳帳

自注尊人南宮兄與先君同事家松亭先

生少年意氣薄雲天濬冲時說中散狀奔蹏泛駕不可羈
蜀道千盤走若夷雙屐信步金華頂扁舟截取涪江涯渴
飲有時逢抵觸辛勤只有書一束竭來徐卿得二雛蹴踏
蠶叢驚駿驟山腰官閣讀書臺遙望五雲在上台自注念
今在五雲中何娛嬉無奈少文字千里神交共往來許時
卿信雲海似筆頭一落三峽水可憐遺老彌留餘足音猶
待茫然喜側聞山谷起東川天街躍馬候鶯遷一朝餘杭
山水窟到郡清絕落饒涎會稽既賁百錢送上虞懼爲一
幘動江夏而今有郡公卻與晉卿分伯仲官舸搏節費如
何父老驢呼總應多浣紗江上清光溢棣萼分榮映夢蘿
難得競爽稱阿大寶劍飛騰真未艾只虞賀監最風流楚

青牛馳吳語外何時洗眼看龍文金玉荆南本不羣
得惡資五閭側無妨脫粟飯高君宦遊已送江入海須念入
江水何在試登句乘望鄉國湘江先作洞庭匯宰木千行
金鳳巔蒼蒼木杪起寒煙會看刻牋千字誅一表舊時京
兆肝

神仙界

自注界頂自古葺山同東屈曲而下騎龍背

立屹峙雲表峰背平
施數里爲往來孔道

九峰尖神仙界

自注界有九峰尖
又名九峰尖

陂陀鬱屈古葺來

自注山在四都

嘯吸仙池澄沆瀣

自注仙池界在四都山頂有池

迢迢百里率奔來得得

中梅作分北中途勒住千里足蠱起峰峰勢不懈偉哉造

物費安排到此可接還再厲何年妙手撒翠螺作之九向

還九背我嘗振策最上頭暑氣逼人聊小憩遙望片雲天
一角茫茫東盡日所曬腳底一聲雷雨生倒射山尖瀉清
快霎時煙滅見空青朗水鱗鱗縈一帶衆山似亦識吾面
不惜奔騰赴高會桃林有岸洞雲封自注桃源山在桃源縣西南三十里綠
蘿無塵福地狂自注綠蘿山在桃源縣南十五里道道面面
山水相招呼誠恐仙者牽我袂欲乞長鑱掘芝苓且向祇
園問興廢自注寺廢址在桃源之說謂荒唐韓子固猶方
以內

雲汀中丞撫皖多異績作詩奉寄卽題漕河禱冰圖
後

尊公黃江我所親夙推吾鄉第一人孝友本至性風節邁

等倫發爲文章肆且醇辟易百怪通明神山魃奔走虎豹
遁至今里巷猶津津顏天原窮德弗耀不於其躬於子孫
石門潭中印心石自注君岳資江濱有印心石在石門潭中巍然如印繫取肘後猶
璘璘早從東觀持使節旋騎馳馬行遊巡 先皇重西

顧兵馬雄東川輶車小駐一宿話約我十載重開顏揭來
南轅復北轍西晉陳泉旋皖藩黑頭如君尙年少坐領節
鎮森戟門我愧劉真長知未窺一斑但見 兩朝

聖紹 聖每有特擢必君拔起於其間丈夫若此誠遂志
豈知憂國無時閒去年霖雨江無岸萬井無禾突不煙高
柳吠殘蛤破屋蹲饑鳶平原廣市無雞犬下者爲沙爲魚
龍辱在泥塗非武咎行部勘遍西東阡今春苦瘁應更甚

欲耕無鐵服無牽爾田爾宅曷安輯哀鴻中澤無顛連我
聞老農語蝗旱每相因側聞六月頗見旱不書旱曰不如
禱龍山禱得隨車雨自注甲申六月十一日君步詣大阿
龍山禱雨歸及轅門而甘霖大沛呵
叱閃電撾雷鞭北路蝗蝻又萌孽瓣香特祝劉將軍將軍
排空遣丁甲青蛙烏雀不期而至爭啄吞與人咸誦使君
賜咄咄未前聞惟記昔年祝漕口冰凍曾禱淮河濱此時
此事恰符合御榻新製輝祠門嗟我老矣甘藜藿每聞
善事心歡欣多君承先卽裕後美報已睹雙石麟更祝稻
畦麥隴如雲屯長使野老扶杖擊壤歌 皇仁

和閻鑑波其淵得鄭簡香徵君札

煙景三分去一分自注立春已
三十六日朝朝只撥甕中雲從君大

斗思聯社示我新詩早敘軍有管云寔真妙見無癢求沈

未曾聞百篇倘許探家藏

自注兩尊人遺稿屬共訂定

二老翰誰幼眇

文自注簡香家有二老閣係藏書處

和鑑波上已擬借揚州何六女伯浣紗修禊雨阻之作

苧蘿山下屢尋幽臘去春殘兩度遊已效右丞歌浣水

自注

去臘會次西塢韻

更攜從事說青州

自注前月曾邀余彈石數人載酒復遊

那知修

約蘭亭禊未許登同李郭舟老子於茲興不淺故應獨自上南樓

次仲兄白菊盛開元韻

延齡客不喜遊仙懶戴黃冠耿碧天彷彿羅浮紫舊夢依

然月下整新綢白衣送罷先生酒霜鬢長披處士肩應是
秋容遽如許故教老圃作冰堅

未須亂葉與交柯一旬秋英已足多冷豔不隨黃落減清
香肯與綠情搓年年歲歲休驚覩暮暮朝朝且上坡寄語
祇園數座者莫嫌冷淡踏晴莎

旅寓六十自壽二首

淋雨連旬首夏初此翁今日六旬週任從小住呼三雅不
用家筵佐一籌浪迹喜尋江上柳忘機恰似海中鷗朝來
對鏡還堪慰二十年前已白頭

誰從浩劫說滄桑一卷終須證法王世故任人稱好好
近號好逢迎何在不偃偃孝尤永晝惟嘲懶華子於今屢
好居士

病忘三爵自嘲還自祝湘清醉里共淋浪

莫江先生從祀鄉賢喜賦三章

圓冠緩珮號稱儒獨立公門表丈夫屈指吾鄉前代有今
看作者七人俱自注自宋至明從祀六人名從歿世稱纔好品在當時
論豈殊我爲諸生思食德此閒一座可能無

糾紛盤錯事忘勞濟急扶傾氣自豪廣廈千閒多士庇浮
圖七級半天高百年文獻資蒐輯廿載科名啟譽髦此日
塔鈴猶共語先生薦不厭溪毛

遺編披讀想風裁七尺頑軀萬卷堆蕭灑襟期應我輩沈
雄意氣獨公才橫從芙蓉嶺披荆手生就資江作筏材香火
社中緣不淺靈旗縹渺好歸來

送七姪德濂入都

百三十日乍歸人廿四番風又去辰捷至不聞摧屐齒別
來有夢繞江滸阿蒙入目寧煩刮王湛原癡肯率真無賴
匆匆多膠擾未容好好自注余近自號也話昏晨

懶且忘非藥物除

白注丙子自壽詩云云

蠅頭終日作鈔胥酒因病

止餘家釀壁帖春聯有

國書

自注姪入翰林派習清書

花鳥得時都

意氣松林照眼自扶疏

君恩深處途非遠那不承明向

直廬

璫旒唱和本尋常斗粟雖殘未可量聚首共成二百歲一
年猶許萬千觴長吟不隔東西屋息壤誰盟爾我疆獨護
貽謀真燕翼故應寵錫荷鴻章

逢迎是處少徘徊
滾滾長江日夜催
莫倚身強隨意便
定教帆飽受風開
行當消夏親官柳
計到延秋賦省槐
遙想晴暉分上苑
明年春色倍還來

初三日新晴

年來每向靜中參
不覺新正日又三
愁聽連宵都雨水

自注

二日雨快瞻遠岫作晴嵐
呼兒整旅前衝陣

自注明日楷孫期就府試

讓疏慵老學庵
獨有關河遊子路
夢魂夜夜到江南

甲申元旦

無事此靜坐
亦坐亦復卧
坐卧俱忘此是老人課
無事此靜坐
兩日如一日
只覺昨日忙
便如去年事

次鑑波酒後夜坐思歸

楚水三千里歸心老鑑湖阮郎偏惜別不寫送行圖
怨別獨誰家含情送落花天涯明月共影射碧窗紗
雨打楝花芳風收大麥黃那堪全閣筆彈鋏憶江鄉
已決行行志何多戀戀情越中憐蜀鳥聽試短長聲

丙子三月二日望晴

一溪已作千回漲二月曾無三日晴瘦日間從雲罅見可
憐穀雨接清明

玉川手奪秋中月吏部噓開嶽頂雲我是蛩吟處士天
公有耳不會聞

上巳日占

微雨霏霏上巳天東皇一事費周旋種秧不是開花草應

賜新晴穀雨前

五月四日小樓移榻

小小樓頭書舫中
繩牀新徙枕衰翁
八窗四面隨開閉
消受東西南北風

挂壁絃空竊在
天夜來飢鼠噉殘編
涼颺笑我疏慵甚
偷得窗閒卷卷翻

遠水遙岑一望收
北窗綠進好田疇
倚欄尺咫桃源境
不羨人誇萬戶侯

園馬偷閒壽或長
頻將此語笑嵇康
自注嵇云園馬不乘壽高羣鹿枕中

自少邯鄲夢不屑
元龍上下牀

西齋口占

早起西窗極望東微雲點綴太陽紅雨師生怕違成例又
散輕絲卓午中

鎮日鈔書樂不疲酒醒人倦手難支恰逢晚膳精神爽又
是斜陽欲暝時

孫封苦先捷七首

先捷字月三善化諸生以子葆恬貴 封桃源教
諭封翁抱道履素早歲嘗佐其兄隆平歷任繁劇
晚就養其子葆恬劭吾學署余主朗江講席劭吾
以書來邀遊桃洞將偕翁杖履徧尋綠蘿雪濤之
勝因前不果未幾而翁歸道山劭吾亦相繼奄化
矣輯其遺詩爲之慨然

東園

羣動何蠢蠢吾生行復休扶杖遊東園草木青油油早韭
已盈尺新葵方滿疇春風一駘蕩生意各自由時哉物不
競而我將焉求棲遲漢陰叟寂寞東陵侯從容十畝閒高
風垂千秋

九日偕同人集福善寺

秋氣日蕭瑟西風吹滿襟蒼山雲外少黃葉雨中深歲月
關河晚登臨遲暮侵祇園有勝境隨喜一追尋

依韻和張晴崖明府秋夜書懷卽送北上

梧桐一葉動商聲景物蕭條感客情九月風霜催短景百
年鉛槧寄平生窗前細草幽花晚林下寒泉夜月清鴻雁

不來蛩獨語又牽詩思滿江城

頻年異地共心期爲政風流世所思甫見文翁數化日又逢黃霸赴徵時星辰寥濶三秋迴士庶攀留五馬遲目極金臺四千里亂煙衰草動離思

南溟回首地形遙聞說將軍昨度遼天遠霧沈滄島樹秋

深風起海門潮從容投筆聲先壯

原注武岡民變時明府以軍功得優敘爲

國籌邊志未消聖主殷勤儻前席要抒忠悃答

清朝

蓼紅蘆白澹秋光雲水迢遙客思長夜檢芸編開故簾曉看明鏡有新霜年來登覽心先倦老去情懷別易傷青眼高歌意無限與君珍重盡離觴

答胡問鵬

問鷗尙憐余野叟遠遺尺素問平安
梅花落盡楝花發
雨廉纖三月寒

李贈公疇三首

疇字錫九號書田湘陰人優貢生武英殿校錄選
桂東縣教諭未任卒以子星沅貴累贈河南糧
儲道陝西按察使江蘇布政使贈公充優貢之年
爲嘉慶甲子其年余亦舉湖南鄉試同寓京邸久
見其所爲詩甚多頃問其家無稿本僅從其子星
漁得其手錄一小冊故所存止此

黃庭檣南歸相遇於鄭州旅店承示一律依韻答之

交深童稚本情親，忽漫相逢此路人。
未改音聲仍似昔，卻嫌面目已生塵。
長途那更憐肥瘦，吾道從來有屈伸。
記得城南分袂日，匆匆又是十年春。

述懷

何來蠅集適驚予，催促滄浪好夢餘。
草碧羲窗人去後，日高顏巷客吟初。
槐街空自傳螻蛄，燕市無因寄鯉魚。
讀取莊生篇第一，筆牀茶竈待相於。

送平道中

古道逶迤出遠山，計程遙隔石頭關。
煙凝野店青峯合，雨溼高城綠水環。
宿鳥頻棲深樹裏，人家多住白雲閒。
只因僕僕風塵久，隨意畱題尙未刪。

彭封君嘉會

五首

嘉會字春城長沙人以子舒萼貴封編修有棣
萼山房詩鈔封君少孤與弟嘉樹友愛甚篤儲書
養母性方正以布衣爲時所重嘗客都梁雲山仙
院閒往往有題蹟云

重陽後三日補遊法相巖

未了登高願仍遊法相巖深林黃葉滿古寺白雲緘誰主
芙蓉洞還披薜荔衫探奇得資勝

自注法相一名資勝以其據資江之勝也應

許別仙凡

甲子除夕武岡客中作

行蹤廿載寄風塵客裏屠蘇歲又新曾記髫齡初問字豈

知皓首尙依人病逢仙露應無恙自注久患腹脹近得瘦
比梅花覺有神此後餘年知有幾可能料理苦吟身

春仲遊仙院

奇峯巽嶂畫圖開不盡晴光簇簇來繞郭泉聲喧晝夜自注
響水洞其聲晝夜四山風雨護樓臺天生平石爲碁局春
送殘花作錦筍何必浮槎訪仙侶此身已在小蓬萊

秋日寄弟

梧葉初飄落離人更溯洄一天秋意思付與雁行來

對菊

抱負辛勤又一年悠然三徑對花眠也知老夫如君瘦爭
似清操晚節堅

左贈君觀瀾 二首

觀瀾字起湘湘陰人邑廩生以子宗植貴 贈新
化訓導有春航草贈君爲道光壬辰解元宗植仲
基同榜舉人宗棠季高之父性忼爽厄於諸生年
未中壽生平授徒爲業以善書名今從仲基許得
其遺詩乃爲書名掩仲基兄弟亦以文學名於時
僕書甚拙而索書者紛擾無已日閒暑甚至不能就
涼作此自嘲示諸學子及兒子宗棫宗植宗樾

少小不知書貿貿弄筆札迨長爲干祿稍稍學波磔歐顏
與李趙姿媚得剽竊定知譏壁疥未足驚橋筴好醜我自
知謬被俗眼刮日來困炎歊刺豚尙在闕火雲蒸北窗揮

運汗流沫惡楮茵藉沙敗筆聚束核爭如鬼賣符渠可材
爲轆轤驚竟徒爲雕蟲真技末男兒千秋事寸陰去飄瞥
奈何作無益長日事塗抹作詩示汝曹結習速當割勿學
韋仲將追悔迫衰髮

畱楊木菴孝廉小飲並畚見贈之什

楊侯逸足不受駕高吟大醉無休暇詩帶韋郎山水秀室
如寶晉虺虺化囊空不辨一錢看未省書生請耕稼贈我
明珠二十八頓覺斗室芬蘭麝嗟予榜散無世用貧女懸
期遲不嫁君才何意亦沈淪收拾青氈寄餐舍自古科第
委風漢浮世光陰同電射相逢拔劍歌莫哀且撥新醅共
傾醵侯封不得事尋常

自注來詩有後脣
將軍竟不侯之句
隄備醉歸呵犯

夜官時方錄事寓逆旅

登岳州城樓

危樓高插浪花中城郭巴陵萬古雄
秋色西來波浩浩大江東去雨濛濛
風塵詩酒無仙客文字江山有范公
日暮天涯無限思倚闌清興與誰同

彭封君嘉樹

四首

嘉樹字植堂長沙人諸生封編修
有好古堂文集封君爲今永昌太守
舒萼本生父性誠篤嘗爲人司書記
往來閩楚閒垂五十年一時名公卿多
敬禮之永昌之生封君年四十三矣
因其兄無子生三日卽以嗣之兄弟
怡怡白首無閒言永昌供

職翰林封君猶橐筆長沙府署卽以其年卒詩不多子舒英以遺草一帙見寄爲錄存四首

曾壽田南樓讀書圖

儒者志立身道在慎所擇舍學將何事開卷乃有益南樓
枕湘江武城湖先澤中有讀書人千載尋軌迹緬維子與
子躬耕學不釋商頌歌五篇大聲出金石君爲其後裔遙
遙溯一脈遠懷沂水浴近對春風適再上黃金臺忽驚喬
木折自注曾麻衣返故里苦塊痛幽爰示我讀書圖知君
學有獲煌煌宗聖經大孝昭簡冊所以三釜鼎不以千鍾
易君今讀父書孝思爲鬱積區區佔畢徒口耳徒糟粕

松下聽泉圖

何人老筆寫山水林壑盤紆尺幅裏飛泉直下如有聲四
壁雲垂雪濤起松濤百尺吼山顛天籟地籟相往還蒼髯
坐對翻書帙應是南華秋水篇風泉繚繞共徘徊沁入心
脾無點埃披君圖畫識君意除卻此聲徒喧豗

舟泊銅官渚哭家兄春城墓

不到銅官渚傷心又幾年
竭來一抔土相見隔重泉
空有昨宵夢難期再世緣
江風吹解纜回首淚潸然

新歲雪懷家兄長沙

雪滿榕城萬戶煙家山回首一淒然
聯牀夜雨聽何日第
海春風又一年蝴蝶夢回湘草岸
鵲鴿聲斷楚江邊
芳時未許人高臥苦憶東頭屋數椽

曾贈君衍先一首

衍先字補之善化人有話陶窗遺稿以子興仁貴
贈分宜知縣

夜坐

夜坐空齋裏愀然對短檠故書重我讀哀雁向誰鳴斷飲
亦時醉放歌何大聲窗前秋意味松竹合尋盟

歐陽封君履坤二首

履坤字心田安仁人貢生以弟坦齋御史厚均貴
贈封戶部雲南司主事

遊龍源新厂

癖性好遊覽自不憚勞憊杖策憑先導追隨幾儕輩行行

至山趾荆榛莽翳披草覓厂穴有孔圓如蓋漸進洞黝
黝燭影半明晦仰視復旁矚莫測高與大始信長房壺別
有一世界一綫路稍坦土軟無堅塊忽見沙如銀前望成
巨壑投石鏗有聲悠然發清籟頗疑南海潮消息此通會
安得溫嶠犀然之照幽怪折葦徑欲渡直浮方以外竊恐
神風來將至復引退靈區不可窮勝遊何日再

遊龍源老厂

耽遊甯厭多探奇乃得二茲洞實宏敞厂前可列肆步入
懸巖中廣袤數仞計涓涓滴溜響終日厭鼓吹結成萬千
狀玲瓏復詭異列炬入旁穴游行任掉臂尋穴試再入俯
仰不能遂轉入轉幽奧門戶匪一致一門一重室重重巧

位置天然具結構遊者得少憩忽覩一罅天峭巖挂薜荔
牽蘿得小孔踏肩升以次摩谿異境開日光此瀾洩黝然
泉一泓不盈亦不匱訝是瑤臺漿色香味兼備酌以長生
瓢飲之浣腸胃但覺兩腋閒習習清風至是時伏暑中懷
冽寒欲噓再飲覓途徑燭盡漸不繼况復人語譁恐驚老
龍睡逡巡出洞門紅晷已西墜居民環相問門徑頗記憶
爲余言往時兵燹尙堪避何必求桃源此閒卽福地

左贈君宗域 三首

宗域字伯敬湘陰人邑廩生贈君觀瀾長子負才
早卒以弟宗植貴 勉贈桂東縣教諭

孤鼻岩留題二首

原注岩有靈蹟明季寇亂前人於
此避兵極北有龍洞深幽不可窮

長沙昔戰國古岩舊兵屯亂後天猶慘時危山忽崩
崖
砦開豁靈霧鎖嶙峋珍重石扉叩此巾曾避秦

不入幽深處誰知別有天斷雲流碧澗枯洞瀉紅泉
竈老
迎人墜龍幄抱寶眠原注時方秋旱窮探忽不適禦冷怯無綿

湘江舟中阻雨遇劉茂才秋圃

前度劉郎此地逢湘波一葉話匆匆留人日暮銅官雨拍
浪舟搖笙竹風原注笙竹水驛名湘陰縣南世事轉頭雲聚散明朝分
手水西東憑君莫著升沈感且醉尊前爛漫紅

黃處士崇信一首

崇信字忠範安化人有習齋小草子德淳道光乙酉舉人現官永綏廳訓導

沅湘耆舊集卷第十五

雷

送淳兒往安陵學博家謂軒

崇正

任所肄業

吾宗盛科名端藉稽古力而翁戰童軍老死慚逐北安陵
寄書來謂汝頗秀特芷蘭冀升庭泥塗尙久躋負笈莫辭
遠慙慙爲培植感茲眷眷意心骨爲銘刻夫子吾宗豪文
章久華國自注謂軒拔貢廷試第一葛藟瓦本根菁莪宏樸槭提攜及
小子教誨兼飲食力田無先疇傳經荷祖德計日理行裝
臨歧重惻惻經訓古藩畬如農務稼穡努力愛韶光毋使
譏不殖行矣力前修勝侍老親側